

الأمير عبد الرحمن بن عبد الله

عاش الأمير: عبدالرحمن بن عبدالله مناصراً لعمه الملك عبدالعزيز ثم لابناء عمه من بعد حتى تغمده الله برحمته في عهد المغفور له الملك: خالد بن عبدالعزيز، وكان شاعراً ولكن للأسف لم نعر على شيء من قصائده إلا القصيدة الآتية والتي ينصح فيها ابنه فيصل.

الناس بالدنيا ملايين وشعوب
وطبايعن فيها الخطا والصوابي

الناس بين اثنين غالب ومغلوب
لاهن بالدنيا عساها الخرابي

هذا بها كاسب وهذاك مكسوب
زاد التنافس بينهم والسبابي

يبغون جمع المال والرزق مكتوب
كم من حريصا فاز غيره وخابي

اغرتهم الدنيا عن الدين بسلوب
يا جاهلا دنياك هذي سرايبي

انصحك يافيصل ترى الطيب مطلوب
دربه طويل والطايا اصعابي

حافظ على دينك ترى العزم مكتوب
في طاعة الخلاق منشى السحابي

حذراك يافصيل تقصر أما جوب
وأجبك اده بالوفا لاتهابي

أحذرك لاتظلم ترى الظلم له جوب
جوبه كبير وصاحبه في عذابي

أحذرك لاتكذب ترى الكذب عذروب
والصدق ترقابه برؤس الهضابي

أحذرك لاتسرق ترى السرقة معيوب
عيبه كبير وفيه قطع الرقابي

أحذر عدوك لاتبين له اعيوب
وقرب صديقك ولا تخون الصحابي

الناس بالدنيا وكل له ادروب.....
ولا يخذعك فيها لميع السرابي

باس الشجاع بسوق الاموات مجلوب
وان عاش مهيوبن عزيز الجنابي

والذل نقص وصاحبه غير مهيوب
ويوم اللقاء يحشى بوجه الترابي

العز عز النفس وان كنت مكروب
بالك تهن النفس تبغى الثوابي